



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXXIV.

urn:nbn:de:hbz:466:1-15653

DIE Sabbati quinta mensis Iunii, anno a natiuitate Do-
mini millesimo quadringentesimo decimosextimo,
indictione decima, fuit sessio generalis per sanctam Sy-
nodum Constantiensem in maiori ecclesia Constantiæ
solenniter celebrata, in qua reuerendus pater dominus
Thomas * Senonensis episcopus Missam de tempore cele-
brauit. Præfedit autem reuerendissimus dominus Ioannes
episcopus Ostiensis cardinalis & vicecancellarius. Et di-
ctis demum litanis & orationibus consuetis, cum euange-
lio secundum Lucam, *Homo quidam fecit cœnam magnam*, Luc. 14.
domini commissarii in causâ contra Petrum de Luna a-
scenderunt ambonem: & reuerendissimus pater dominus
Guillermus cardinalis tituli sancti Marci, de suorum col-
legarum consensu sibi assistentium, pro themate assumens,
* incipiat *Tempus est ut * veniat iudicium a domo Dei*, &c. quod perpul- 1. Petr. 4.
cre deducens, processum per ipsum & suos collegas con-
tra Petrum de Luna, a quibusdam Benedictum decimum-
tertium nuncupatum, iuxta commissionem eis desuper fa-
ctam, habitum, integre narrauit & recitauit, vna cum pro-
bationibus articulorum simpliciter in huiusmodi causâ
productis. Et facta dicta relatione, reuerendi patres domi-
ni Dolensis & Lichfeldensis episcopi respondendo articu-
los legerunt, videlicet summam probationum scriptam su-
per quolibet articulo, dicendo post lecturam articuli: Iste
articulus de veritate & notorietate probatur per tot testes
& tales: declarando dignitates & gradus testium. Et his
peractis, reuerendus pater & dominus episcopus Concor-
diensis legebat quoddam decretum, cuius tenor sequitur.

Hæc sacrosancta Synodus, audita relatione processus
& probationum & aliorum actorum in causâ inquisitionis
pendente coram eadem sancta Synodo contra Petrum
de Luna, Benedictum decimumtertium a nonnullis nun-
cupatum, super ferenda sententia & aliis in causâ huius-
modi fiendis deliberabit: potestatem autem alias conces-
sam commissariis in dicta causâ, præterquam ad citandum
eundem Petrum de Luna ad audiendum sententiam per
eamdem Synodum ferendam, non intendit reuocare; su-
per qua citatione atque sententia nullam dictos commissa-

rios vult habere potestatem. Super præmissis dominus Ioannes episcopus Ostiensis huiusmodi sessioni præsidens nomine Synodi respondit, Placet.

ANNO
CHRISTI
1417.

SESSIO XXXV.

Vnio ambasiatorum domini regis Castellæ & Legionis.

DIE Veneris decima octava mensis Iunii supradicti sessio generalis in maiori ecclesia Constantiensi fuit solenniter celebrata, cui interfuit serenissimus princeps Sigismundus Romanorum & Hungariæ, &c. rex, cum insigniis regalibus, & multis principibus & nobilibus sibi adstantibus & sibi seruientibus. Et ante istius sessionis officium, siue orationes solitas & consuetas, prælati pluuiabilibus induti, mitras capitibus imposuerunt. Consequenter reuerendi patres & domini, nobiles & strenui viri serenissimi principis domini Ioannis regis Castellæ & Legionis ambasiatores, & cum eis Petrus de Lomburga de Polonia, ambonem ascenderunt, ac ipsi ambasiatores tria in effectu facere pro præsentis sessione proposuerunt, videlicet primo Concilium Constantiense conuocare: secundo, præsentis congregationi in Constantia se vnire: tertio, subiectionem obedientiæ factam in Narbona iuxta capitula ibidem concordata approbare. Et deinde Petrus de Lomburga legit quoddam procuratorium regis Castellæ. Quo lecto, frater Ludouicus de Valle Oleti, vnus de ambasiatoribus dicti regis, de consensu suorum coambasiatorum legit quamdam schedulam conuocationis, vna cum bulla Concilii conuocatoria, domino regi Castellæ prædicto per Synodum missa, iuxta capitula concordata Narbonæ, cuius schedulæ conuocationis tenor talis est.

Schedula conuocationis.

In nomine sanctæ & indiuiduæ Trinitatis.

Nos Didacus Conchenfis episcopus, & Ferdinandus Petri de Ayala maior præfectus Guispustræ, serenissimi domini regis Castellæ consiliiarii, Ioannes episcopus Pacensis, Martinus Ferdinandi domicellorum præses, Ferdinandus Martini de * Dauaben. Segobiensis, & Didacus Ferdinandi Palentinensis, ecclesiarum decani, decretorum doctores, frater Ludouicus de Valle Oleti ordinis Prædicato-

* Dau-
lo: